



Sr. Miguel J. Mansur
Lider di Fraccion ACCION 21

STATEN VAN ARUBA

Presidente di Parlamento
Sr. mr. E.G.A. Vrolijk
L.G. Smith Blvd. 72
Oranjestad, Aruba



Oranjestad, 26 oktober 2022

Apresiasi Sr. Presidente,

Pa medio di e carta aki suscrito kier a pidi Sr. Presidente dirigi e siguiente x11 preguntanan pa Minister President Sra. Evelyn Wever-Croes.
Suscrito ta desea di haya contesta por escrito riba su preguntanan.
Gradiciendo di antemano pa su amabel cooperacion suscrito ta keda,

Atentamente,

Miguel J. Mansur
Lider di Fraccion ACCION 21



**STATEN VAN ARUBA
LIDER DI FRACCION ACCION 21
SR. MIGUEL J. MANSUR**

26 oktober 2022

Preguntanan por escrito di miembro di Parlamentario, Sr. Miguel J. Mansur, na Minister President Sra. Evelyn Wever-Croes conforme articulo III.17 di Staatsregeling y conforme articulo 59 di Reglement van Orde di Parlamento di Aruba.

Basa riba e ultimo noticianan den prensa cu a sali recientemente rond di Arubahuis y e ex-Minister Plenipotenciario Sr. Guilfred Besaril mi kier a hasi e siguiente preguntanan.

1. Ex-Minister Plenipotenciario a ‘tuma su retiro’ na juni 2022, Minister President por a comparti cu Parlamento e fecha exacto di dicho retiro?
2. Despues di su retiro como Gev. Min., Sr. Guilfred Besaril mester a raporta na KPA pa reanuda na su trabao dentro di un periodo stipula pa ley. Minister President por comparti si esaki a sosode y si e contesta ta afirmativo riba ki fecha?
3. Si Sr. Besaril no a reanuda bek na trabao cerca KPA, Minister President por comparti cu Parlamento si ela wordo traspasa pa un otro funcion den sector publico?
4. Si Sr. Besaril a wordo traspasa pa un otro rol den sector publico, Minister President por comparti e fecha cu esaki a sosode y na ki departamento ela bay y den cua funcion?
5. Minister President por a comparti cu Parlamento kiko ta e maneho pa ambtenaarnan bao investigacion y si esey ta conta pa Sr. Besaril tambe?
6. Minister President por a comparti cu Parlamento si Sr. Besaril a wordo poni ariba non-actief y si esey ta e caso pakico?
7. Si Sr. Besaril a wordo poni ariba non-actief Minister President por comparti cu Parlamento si a schors e?
8. Minister President por comparti cu Parlamento si tin un disciplineaire onderzoek como ambtenaar contra Sr. Besaril cu e no por asumi su trabao bek?
9. Minister President por comparti cu Parlamento si Sr. Besaril ta cobrando 100% di overbruggingstoelage of unicamente e diferencia entre su salario actual y esun anterior?
10. Minister President por comparti cu Parlamento ken lo mester tuma e decision si ta entrega keho penal contra Sr. Besaril si ela abusa di su posicion como Minister Plenipotenciario?

11. Minister President por comparti cu Parlamento a base di ki criteria lo dicidi si ta entrega keho penal contra un ex-Minister Plenipotenciario cu a haci mal uso di su funcion?

Suscrito ta desea di hanja contesta por escrito riba tur su preguntanan.

Atentamente,

A handwritten signature in blue ink, appearing to read 'MANSUR', with a large, sweeping flourish extending to the right.

Miguel J. Mansur
Lider di Fraccion ACCION 21